

大般若波羅蜜多經卷第二百八十九 律九

唐三藏法師玄奘奉 詔譯

初分著不著相品第三十六之三

具壽善現復白佛言世尊菩薩摩訶薩應云

何行般若波羅蜜多佛言善現菩薩摩訶薩

行般若波羅蜜多時若不行色是行般若波

羅蜜多不行受想行識是行般若波羅蜜多

不行色若常若無常是行般若波羅蜜多不

行受想行識若常若無常是行般若波羅蜜

多不行色若樂若苦是行般若波羅蜜多不

行受想行識若樂若苦是行般若波羅蜜多

不行色若我若無我是行般若波羅蜜多不

行受想行識若我若無我是行般若波羅蜜

多不行色若淨若不淨是行般若波羅蜜多

不行受想行識若淨若不淨是行般若波羅

律九

蜜多何以故善現色性尚無所有況有色若

常若無常若樂若苦若我若無我若淨若不

淨受想行識性尚無所有況有受想行識若

常若無常若樂若苦若我若無我若淨若不

淨善現菩薩摩訶薩行般若波羅蜜多時若

不行眼處是行般若波羅蜜多不行耳鼻舌

身意處是行般若波羅蜜多不行眼處若常

若無常是行般若波羅蜜多不行耳鼻舌身

意處若常若無常是行般若波羅蜜多不行

眼處若樂若苦是行般若波羅蜜多不行耳

鼻舌身意處若樂若苦是行般若波羅蜜多

不行眼處若我若無我是行般若波羅蜜多

不行耳鼻舌身意處若我若無我是行般若

波羅蜜多不行眼處若淨若不淨是行般若

波羅蜜多不行耳鼻舌身意處若淨若不淨

是行般若波羅蜜多何以故善現眼處性尚
 無所有況有眼處若常若無常若樂若苦若
 我若無我若淨若不淨耳鼻舌身意處性尚
 無所有況有耳鼻舌身意處若常若無常若
 樂若苦若我若無我若淨若不淨善現菩薩
 摩訶薩行般若波羅蜜多時若不行色處是
 行般若波羅蜜多不行聲香味觸法處是行
 般若波羅蜜多不行色處若常若無常是行
 般若波羅蜜多不行聲香味觸法處若常若
 無常是行般若波羅蜜多不行色處若樂若
 苦是行般若波羅蜜多不行聲香味觸法處
 若樂若苦是行般若波羅蜜多不行色處若
 我若無我是行般若波羅蜜多不行聲香味
 觸法處若我若無我是行般若波羅蜜多不
 行色處若淨若不淨是行般若波羅蜜多不

行聲香味觸法處若淨若不淨是行般若波
 羅蜜多何以故善現色處性尚無所有況有
 色處若常若無常若樂若苦若我若無我若
 淨若不淨聲香味觸法處性尚無所有況有
 聲香味觸法處若常若無常若樂若苦若我
 若無我若淨若不淨善現菩薩摩訶薩行般
 若波羅蜜多時若不行眼界是行般若波羅
 蜜多不行色界眼識界及眼觸眼觸為緣所
 生諸受是行般若波羅蜜多不行眼界若常
 若無常是行般若波羅蜜多不行色界乃至
 眼觸為緣所生諸受若常若無常是行般若
 波羅蜜多不行眼界若樂若苦是行般若波
 羅蜜多不行色界乃至眼觸為緣所生諸受
 若樂若苦是行般若波羅蜜多不行眼界若
 我若無我是行般若波羅蜜多不行色界乃

至眼觸為緣所生諸受若我若無我是行般
若波羅蜜多不行眼界若淨若不淨是行般
若波羅蜜多不行色界乃至眼觸為緣所生
諸受若淨若不淨是行般若波羅蜜多何以
故善現眼界性尚無所有況有眼界若常若
無常若樂若苦若我若無我若淨若不淨色
界乃至眼觸為緣所生諸受性尚無所有況
有色界乃至眼觸為緣所生諸受若常若無
常若樂若苦若我若無我若淨若不淨善現
菩薩摩訶薩行般若波羅蜜多時若不行耳
界是行般若波羅蜜多不行聲界耳識界及
耳觸耳觸為緣所生諸受是行般若波羅蜜
多不行耳界若常若無常是行般若波羅蜜
多不行聲界乃至耳觸為緣所生諸受若常
若無常是行般若波羅蜜多不行耳界若樂

若苦是行般若波羅蜜多不行聲界乃至耳
觸為緣所生諸受若樂若苦是行般若波羅
蜜多不行耳界若我若無我是行般若波羅
蜜多不行聲界乃至耳觸為緣所生諸受若
我若無我是行般若波羅蜜多不行耳界若
淨若不淨是行般若波羅蜜多不行聲界乃
至耳觸為緣所生諸受若淨若不淨是行般
若波羅蜜多何以故善現耳界性尚無所有
況有耳界若常若無常若樂若苦若我若無
我若淨若不淨聲界乃至耳觸為緣所生諸
受性尚無所有律七況有聲界乃至耳觸為緣所
生諸受若常若無常若樂若苦若我若無我
若淨若不淨善現菩薩摩訶薩行般若波羅
蜜多時若不行鼻界是行般若波羅蜜多不
行香界鼻識界及鼻觸鼻觸為緣所生諸受

是行般若波羅蜜多不行鼻界若常若無常
是行般若波羅蜜多不行香界乃至鼻觸為
緣所生諸受若常若無常是行般若波羅蜜
多不行鼻界若樂若苦是行般若波羅蜜多
不行香界乃至鼻觸為緣所生諸受若樂若
苦是行般若波羅蜜多不行鼻界若我若無
我是行般若波羅蜜多不行香界乃至鼻觸
為緣所生諸受若我若無我是行般若波羅
蜜多不行鼻界若淨若不淨是行般若波羅
蜜多不行香界乃至鼻觸為緣所生諸受若
淨若不淨是行般若波羅蜜多何以故善現
鼻界性尚無所有況有鼻界若常若無常若
樂若苦若我若無我若淨若不淨香界乃至
鼻觸為緣所生諸受性尚無所有況有香界
乃至鼻觸為緣所生諸受若常若無常若樂

若苦若我若無我若淨若不淨善現菩薩摩
訶薩行般若波羅蜜多時若不行舌界是行
般若波羅蜜多不行味界舌識界及舌觸舌
觸為緣所生諸受是行般若波羅蜜多不行
舌界若常若無常是行般若波羅蜜多不行
味界乃至舌觸為緣所生諸受若常若無常
是行般若波羅蜜多不行舌界若樂若苦是
行般若波羅蜜多不行味界乃至舌觸為緣
所生諸受若樂若苦是行般若波羅蜜多不
行舌界若我若無我是行般若波羅蜜多不
行味界乃至舌觸為緣所生諸受若我若無
我是行般若波羅蜜多不行舌界若淨若不
淨是行般若波羅蜜多不行味界乃至舌觸
為緣所生諸受若淨若不淨是行般若波羅
蜜多何以故善現舌界性尚無所有況有舌

界若常若無常若樂若苦若我若無我若淨若不淨味界乃至舌觸爲緣所生諸受性尚無所有況有味界乃至舌觸爲緣所生諸受若常若無常若樂若苦若我若無我若淨若不淨善現菩薩摩訶薩行般若波羅蜜多時

若不行身界是行般若波羅蜜多不行觸界身識界及身觸身觸爲緣所生諸受是行般若波羅蜜多不行身界若常若無常是行般若波羅蜜多不行觸界乃至身觸爲緣所生諸受若常若無常是行般若波羅蜜多不行身界若樂若苦是行般若波羅蜜多不行觸界乃至身觸爲緣所生諸受若樂若苦是行般若波羅蜜多不行身界若我若無我是行般若波羅蜜多不行觸界乃至身觸爲緣所生諸受若我若無我是行般若波羅蜜多不

行身界若淨若不淨是行般若波羅蜜多不行觸界乃至身觸爲緣所生諸受若淨若不淨是行般若波羅蜜多何以故善現身界性尚無所有況有身界若常若無常若樂若苦若我若無我若淨若不淨觸界乃至身觸爲緣所生諸受性尚無所有況有觸界乃至身觸爲緣所生諸受若常若無常若樂若苦若我若無我若淨若不淨善現菩薩摩訶薩行般若波羅蜜多時若不行意界是行般若波羅蜜多不行法界意識界及意觸意觸爲緣所生諸受是行般若波羅蜜多不行意界若常若無常是行般若波羅蜜多不行法界乃至意觸爲緣所生諸受若常若無常是行般若波羅蜜多不行意界若樂若苦是行般若波羅蜜多不行法界乃至意觸爲緣所生諸

受若樂若苦是行般若波羅蜜多不行意界
若我若無我是行般若波羅蜜多不行法界
乃至意觸為緣所生諸受若我若無我是行
般若波羅蜜多不行意界若淨若不淨是行
般若波羅蜜多不行法界乃至意觸為緣所
生諸受若淨若不淨是行般若波羅蜜多何
以故善現意界性尚無所有況有意界若常
若無常若樂若苦若我若無我若淨若不淨
法界乃至意觸為緣所生諸受性尚無所有
況有法界乃至意觸為緣所生諸受若常若
無常若樂若苦若我若無我若淨若不淨善
現菩薩摩訶薩行般若波羅蜜多時若不行
地界是行般若波羅蜜多不行水火風空識
界是行般若波羅蜜多不行地界若常若無
常是行般若波羅蜜多不行水火風空識界

若常若無常是行般若波羅蜜多不行地界
若樂若苦是行般若波羅蜜多不行水火風
空識界若樂若苦是行般若波羅蜜多不行
地界若我若無我是行般若波羅蜜多不行
水火風空識界若我若無我是行般若波羅
蜜多不行地界若淨若不淨是行般若波羅
蜜多不行水火風空識界若淨若不淨是行
般若波羅蜜多何以故善現地界性尚無所
有況有地界若常若無常若樂若苦若我若
無我若淨若不淨水火風空識界性尚無所
有況有水火風空識界若常若無常若樂若
苦若我若無我若淨若不淨善現菩薩摩訶
薩行般若波羅蜜多時若不行無明是行般
若波羅蜜多不行行識名色六處觸受愛取
有生老死愁歎苦憂惱是行般若波羅蜜多

不行無明若常若無常是行般若波羅蜜多
不行行乃至老死愁歎苦憂惱若常若無常
是行般若波羅蜜多不行無明若樂若苦是
行般若波羅蜜多不行行乃至老死愁歎苦
憂惱若樂若苦是行般若波羅蜜多不行無
明若我若無我是行般若波羅蜜多不行行
乃至老死愁歎苦憂惱若我若無我是行般
若波羅蜜多不行無明若淨若不淨是行般
若波羅蜜多不行行乃至老死愁歎苦憂惱
若淨若不淨是行般若波羅蜜多何以故善
現無明性尚無所有況有無明若常若無常
若樂若苦若我若無我若淨若不淨行乃至
老死愁歎苦憂惱性尚無所有況有行乃至
老死愁歎苦憂惱若常若無常若樂若苦若
我若無我若淨若不淨善現菩薩摩訶薩行

般若波羅蜜多時若不行布施波羅蜜多是
行般若波羅蜜多不行淨戒安忍精進靜慮
般若波羅蜜多是行般若波羅蜜多不行布
施波羅蜜多若常若無常是行般若波羅蜜
多不行淨戒乃至般若波羅蜜多若常若無
常是行般若波羅蜜多不行布施波羅蜜多
若樂若苦是行般若波羅蜜多不行淨戒乃
至般若波羅蜜多若樂若苦是行般若波羅
蜜多不行布施波羅蜜多若我若無我是行
般若波羅蜜多不行淨戒乃至般若波羅蜜
多若我若無我是行般若波羅蜜多不行布
施波羅蜜多若淨若不淨是行般若波羅蜜
多不行淨戒乃至般若波羅蜜多若淨若不
淨是行般若波羅蜜多何以故善現布施波
羅蜜多性尚無所有況有布施波羅蜜多若

常若無常若樂若苦若我若無我若淨若不
淨淨戒乃至般若波羅蜜多性尚無所有況
有淨戒乃至般若波羅蜜多若常若無常若
樂若苦若我若無我若淨若不淨善現菩薩
摩訶薩行般若波羅蜜多時若不行內空是
行般若波羅蜜多不行外空內外空空空大
空勝義空有為空無為空畢竟空無際空散
空無變異空本性空自相空共相空一切法
空不可得空無性空自性空無性自性空是
行般若波羅蜜多不行內空若常若無常是
行般若波羅蜜多不行外空乃至無性自性
空若常若無常是行般若波羅蜜多不行內
空若樂若苦是行般若波羅蜜多不行外空
乃至無性自性空若樂若苦是行般若波羅
蜜多不行內空若我若無我是行般若波羅

蜜多不行外空乃至無性自性空若我若無
我是行般若波羅蜜多不行內空若淨若不
淨是行般若波羅蜜多不行外空乃至無性
自性空若淨若不淨是行般若波羅蜜多何
以故善現內空性尚無所有況有內空若常
若無常若樂若苦若我若無我若淨若不淨
外空乃至無性自性空性尚無所有況有外
空乃至無性自性空若常若無常若樂若苦
若我若無我若淨若不淨善現菩薩摩訶薩
行般若波羅蜜多時若不行真如^九是行般若
波羅蜜多不行法界法性不虛妄性不變異
性平等性離生性法定法住實際虛空界不
思議界是行般若波羅蜜多不行真如若常
若無常是行般若波羅蜜多不行法界乃至
不思議界若常若無常是行般若波羅蜜多

不行真如若樂若苦是行般若波羅蜜多不行法界乃至不思議界若樂若苦是行般若波羅蜜多不行真如若我若無我是行般若波羅蜜多不行法界乃至不思議界若我若無我是行般若波羅蜜多不行真如若淨若不淨是行般若波羅蜜多何以故善現真如性尚無所有況有真如若常若無常若樂若苦若我若無我若淨若不淨法界乃至不思議界性尚無所有況有法界乃至不思議界若常若無常若樂若苦若我若無我若淨若不淨善現菩薩摩訶薩行般若波羅蜜多時若不行苦聖諦是行般若波羅蜜多不行集滅道聖諦是行般若波羅蜜多不行苦聖諦若常若無常是行般若波羅

蜜多不行集滅道聖諦若常若無常是行般若波羅蜜多不行苦聖諦若樂若苦是行般若波羅蜜多不行集滅道聖諦若樂若苦是行般若波羅蜜多不行苦聖諦若我若無我是行般若波羅蜜多不行集滅道聖諦若淨若不淨是行般若波羅蜜多不行集滅道聖諦若淨若不淨是行般若波羅蜜多何以故善現苦聖諦性尚無所有況有苦聖諦若常若無常若樂若苦若我若無我若淨若不淨集滅道聖諦性尚無所有況有集滅道聖諦若常若無常若樂若苦若我若無我若淨若不淨善現菩薩摩訶薩行般若波羅蜜多時若不行四靜慮是行般若波羅蜜多不行四無量四無色定是行般若波羅蜜多不行

四靜慮若常若無常是行般若波羅蜜多不行四無量四無色定若常若無常是行般若波羅蜜多不行四靜慮若樂若苦是行般若波羅蜜多不行四無量四無色定若樂若苦是行般若波羅蜜多不行四靜慮若我若無我是行般若波羅蜜多不行四無量四無色定若我若無我是行般若波羅蜜多不行四靜慮若淨若不淨是行般若波羅蜜多不行四無量四無色定若淨若不淨是行般若波羅蜜多何以故善現四靜慮性尚無所有況有四靜慮若常若無常若樂若苦若我若無我若淨若不淨四無量四無色定性尚無所有況有四無量四無色定若常若無常若樂若苦若我若無我若淨若不淨善現菩薩摩訶薩行般若波羅蜜多時若不行八解脫是

行般若波羅蜜多不行八勝處九次第定十遍處是行般若波羅蜜多不行八解脫若常若無常是行般若波羅蜜多不行八勝處九次第定十遍處若常若無常是行般若波羅蜜多不行八解脫若樂若苦是行般若波羅蜜多不行八勝處九次第定十遍處若樂若苦是行般若波羅蜜多不行八解脫若我若無我是行般若波羅蜜多不行八勝處九次第定十遍處若我若無我是行般若波羅蜜多不行八解脫若淨若不淨是行般若波羅蜜多不行八勝處九次第定十遍處若淨若不淨是行般若波羅蜜多何以故善現八解脫性尚無所有況有八解脫若常若無常若樂若苦若我若無我若淨若不淨八勝處九次第定十遍處性尚無所有況有八勝處九

次第定十遍處若常若無常若樂若苦若我
若無我若淨若不淨善現菩薩摩訶薩行般
若波羅蜜多時若不行四念住是行般若波
羅蜜多不行四正斷四神足五根五力七等
覺支八聖道支是行般若波羅蜜多不行四
念住若常若無常是行般若波羅蜜多不行
四正斷乃至八聖道支若常若無常是行般
若波羅蜜多不行四念住若樂若苦是行般
若波羅蜜多不行四正斷乃至八聖道支若
樂若苦是行般若波羅蜜多不行四念住若
我若無我是行般若波羅蜜多不行四正斷
乃至八聖道支若我若無我是行般若波羅
蜜多不行四念住若淨若不淨是行般若波
羅蜜多不行四正斷乃至八聖道支若淨若
不淨是行般若波羅蜜多何以故善現四念

住性尚無所有況有四念住若常若無常若
樂若苦若我若無我若淨若不淨四正斷乃
至八聖道支性尚無所有況有四正斷乃至
八聖道支若常若無常若樂若苦若我若無
我若淨若不淨善現菩薩摩訶薩行般若波
羅蜜多時若不行空解脫門是行般若波羅
蜜多不行無相無願解脫門是行般若波羅
蜜多不行空解脫門若常若無常是行般若
波羅蜜多不行無相無願解脫門若常若無
常是行般若波羅蜜多不行空解脫門若樂
若苦是行般若波羅蜜多不行無相無願解
脫門若樂若苦是行般若波羅蜜多不行空
解脫門若我若無我是行般若波羅蜜多不
行無相無願解脫門若我若無我是行般若
波羅蜜多不行空解脫門若淨若不淨是行

般若波羅蜜多不行無相無願解脫門若淨若不淨是行般若波羅蜜多何以故善現空解脫門性尚無所有況有空解脫門若常若無常若樂若苦若我若無我若淨若不淨無相無願解脫門性尚無所有況有無相無願解脫門若常若無常若樂若苦若我若無我若淨若不淨善現菩薩摩訶薩行般若波羅蜜多時若不行菩薩十地是行般若波羅蜜多不行菩薩十地若常若無常是行般若波羅蜜多不行菩薩十地若樂若苦是行般若波羅蜜多不行菩薩十地若我若無我是行般若波羅蜜多不行菩薩十地若淨若不淨是行般若波羅蜜多何以故善現菩薩十地性尚無所有況有菩薩十地若常若無常若樂若苦若我若無我若淨若不淨善現菩薩摩訶薩

律九

十四

摩訶薩行般若波羅蜜多時若不行五眼是行般若波羅蜜多不行六神通是行般若波羅蜜多不行五眼若常若無常是行般若波羅蜜多不行六神通若常若無常是行般若波羅蜜多不行五眼若樂若苦是行般若波羅蜜多不行六神通若樂若苦是行般若波羅蜜多不行五眼若我若無我是行般若波羅蜜多不行六神通若我若無我是行般若波羅蜜多不行五眼若淨若不淨是行般若波羅蜜多不行六神通若淨若不淨是行般若波羅蜜多何以故善現五眼性尚無所有況有五眼若常若無常若樂若苦若我若無我若淨若不淨六神通性尚無所有況有六神通若常若無常若樂若苦若我若無我若淨若不淨善現菩薩摩訶薩行般若波羅蜜

律九

十五

多時若不行佛十力是行般若波羅蜜多不行四無所畏四無礙解大慈大悲大喜大捨十八佛不共法是行般若波羅蜜多不行佛十力若常若無常是行般若波羅蜜多不行四無所畏乃至十八佛不共法若常若無常是行般若波羅蜜多不行佛十力若樂若苦是行般若波羅蜜多不行四無所畏乃至十八佛不共法若樂若苦是行般若波羅蜜多不行佛十力若我若無我是行般若波羅蜜多不行四無所畏乃至十八佛不共法若淨若不淨是行般若波羅蜜多不行四無所畏乃至十八佛不共法若淨若不淨是行般若波羅蜜多何以故善現佛十力性尚無所有況有佛十力若常若無常若樂若苦若我

若無我若淨若不淨四無所畏乃至十八佛不共法性尚無所有況有四無所畏乃至十八佛不共法若常若無常若樂若苦若我若無我若淨若不淨善現菩薩摩訶薩行般若波羅蜜多時若不行無忘失法是行般若波羅蜜多不行恒住捨性是行般若波羅蜜多不行無忘失法若常若無常是行般若波羅蜜多不行恒住捨性若常若無常是行般若波羅蜜多不行無忘失法若樂若苦是行般若波羅蜜多不行恒住捨性若樂若苦是行般若波羅蜜多不行無忘失法若我若無我是行般若波羅蜜多不行恒住捨性若我若無我是行般若波羅蜜多不行無忘失法若淨若不淨是行般若波羅蜜多不行恒住捨性若淨若不淨是行般若波羅蜜多何以故

善現無忘失法性尚無所有況有無忘失法
若常若無常若樂若苦若我若無我若淨若
不淨恒住捨性性尚無所有況有恒住捨性
若常若無常若樂若苦若我若無我若淨若
不淨

大般若波羅蜜多經卷第二百八十九